

兵部則例



兵部則例


武選清吏司

職制二

一直省武職開列康熙三年題準直省提督員  
闕以八旗副都統見任總兵官論俸開列總兵  
官員闕以八旗叅領見任副將論俸開列如一  
員闕內外輪推二員闕內外各推一人均將俸  
深十人列名具題請

旨補授副將員闕將應升副將之人通行較俸推升

○五十一年奉



旨提督員闕以副都統開列具題。總兵官按年分繕摺進呈。總兵官員闕以叅領開列具題。副將按年分繕摺進呈。雍正四年覆準。副將員闕停其在部推升。將俸深叅將十人並應補副將之人文到部者。一并開列具題。再將俸淺叅將內有軍功保舉者。不論多寡別繕名單隨本進

呈。○六年奉

旨副將員闕將本省見任叅將一并開列具奏。○八年議準福建臺灣水師營副將俸滿之日該督提察覈題報遇有水師總兵官員闕於開列本內

將俸滿之處聲明。○十年議準服滿候補副將人文到部遇有員闕指名題請補授俟奉

旨後引

見。○乾隆三年奉

旨各省總兵官副將員闕於具題補授之時或係水師或係陸路均於開列本內聲明其別摺開列之副將叅將或見係水師或見係陸路亦於摺內聲明。○六年奏準提督員闕將八旗漢軍副都統論俸開列十人具題。總兵官按年分繕摺隨本進呈。總兵官員闕或係水師或係陸路本內聲明將

八旗漢軍叅領論俸開列十人副將分別水師  
陸路按年分繕摺并將記名副將繕摺隨本進  
呈副將員闕將記名叅將繕摺隨本進  
呈如副將叅將內有俸滿議叙應升即用者均於  
摺內聲明

一銓選順治十一年題準職方司每兩月一選  
武選司每三月一選○康熙元年題準兩司選  
期均改雙月由部會同科道掣籤○又題準見  
任推升武官由部會同科道代爲掣籤選補各  
官悉令親掣○七年題準停止會同科道掣籤

○十一年題準候選營衛各官均於單月初一  
日投供初三日點卯照文到先後於雙月二十  
五日掣籤如掣籤不到者以規避題叅革職有  
衰老病廢者於過堂時驗明勒令原品休致○  
又議準每月截闕以二十日爲限二十日以内  
員闕到部者入於本月推選二十一日以後到  
部者歸於下月推選其由部議處以降革具題  
開闕者每月十二日以内到部於十七日以内  
具題入本月推選十三日以後到部歸下月推  
選○又議準督撫提鎮糾叅貪酷各官或應革

職提問或應解任聽勘及奉

旨提解來京并別部提解質對此省之官有應發往

彼省質審訊問者皆開闕歸於月分將應用之

人銓選若本省所屬各官有質審訊問情節者

不行開闕○又議準營衛守備以下微員遇有

老病請休及告假等項事故咨文到部之日即

行開闕於半月彙題○又題準單月參將員闕

將小衛參將署參將衛以下守備大街游擊都

衛以下游擊衛以上管參將事者通共較俸將小

游擊署游擊衛以下署守備大街小衛都司

衛以上管游擊事者通共較俸將小

都督衛以下署守備都督衛以下署

衛以上管都司事者都督衛以下署

守備通共較俸都司員闕先將藍翎侍衛

擬補一人一年止用五人如並無都司止有守

擬補藍翎侍衛合都司其餘員闕係正月七月

分將加都司衛之門衛千總奉

旨以營用者升用係三月五月九月十一月分以營

衛守備較俸升用守備員闕係正月七月分將

門衛千總并加署都司衛守備衛署守備衛之

門衛千總以營員用者升用係三月五月九月

十一月分將見任千把總捐升守備及門衛千

兵部則例

總應升營守備者共為一班捐升用二人之後  
 次用應升者一人為升班見任千把總之功加應  
 用守備考驗一等者用一人為功班營衛署守備  
 銜管守備者用五人為小衛守班分發各省題補  
 之千總用一人為分發千總班巡捕營當差千總用  
 一人為當差千總班○又題準雙月叅將游擊都司  
 員闕係二月分以叅將游擊之闕用一等二等  
 侍衛叅將游擊並有員闕先用叅將每年止用一人係四月六  
 月八月分以游擊都司之闕用三等待衛游擊都司  
並有員闕先用游擊每年止用三人均按月行文領侍衛

內大臣鑾儀衛將行走已滿三年簡選二三人  
 出具考語送部引

見恭候

簡用守備員闕以開復降調捐還三項相間輪用一

人為還班武進士用二人為科班年滿保送千總注

冊候推者用二人為妾班澎臺俸滿千總與難廕

守備以營用者相間輪用一人為劄班無職任之

功加應用守備考驗一等者用一人為功班効勞

期滿以營用者用一人為勞班候補候選守備捐

即用者用一人為捐班武進士充補提塘年滿者

用一人。為一効力分發各省題補之千總用一人。

為分發千總巡捕營當差千總用一人。為當差千總

廕生改武以營用者用一人。為廕生改武○又議

準銓選次序。如小銜守備門衛千總均按食俸

之先後用開復降調捐還各官各按緣事開復

還職日期先後用。注册千總澎湖千總均按引

見日期先後用。如同日引

見將俸滿日期在前者用。巡捕營當差千總按步軍

統領咨送名次先後用。分發千總按分發先後

用。如同日分發將俸滿在前者用。○又議準。應

選之武舉武進士。取本籍地方官印文申送督

撫給咨赴部候選。其會試下第武舉本年内具

呈者。照本籍起送會試文書。并部給執照。準入

冊。投供候選。次年具呈。不準。營衛裁汰還職降

調。并完糧給劄。及完糧開復。各官或由見任督

撫或由原籍督撫給咨赴部。年滿千總及功加

各官。由該省總督給咨赴部。如無總督者由提

督申送赴部。無提督者由總兵官申送赴部。若

係將軍巡撫標下者。由將軍巡撫給咨赴部。均

照各省定限赴部投供。聽候選補。○又題準。地

方失事督撫提鎮題叅疎防各官以揭帖到部  
停其升轉如無揭帖者以科鈔到部停其升轉如  
輪推已經掣籤尚未具題有以地方失事題叅奉  
旨到部者即行扣除督撫提鎮特疏糾叅各官亦以  
揭帖到部即停升轉如無揭帖者以科鈔到部  
停其升轉其提問拘問者不候事結即停升轉  
若督撫提鎮題叅因公誣誤之案議覆未結及  
科道糾叅或被人訐告等事議覆未結遇有升  
轉不停○雍正元年議準候選營衛各官於掣  
籤後考驗人材弓馬如庸劣不堪者奏明革退

其衛所各官內祖父有拖欠錢糧者扣除不用  
俟錢糧完日再補○三年議準各官選用升用  
之後如督撫提鎮將前官題留原任或別題補  
有人其選升之人未經引

見奉

旨者仍歸原班即用其選用已經引

見升用業已奉

旨尚未給劄及給劄尚未赴任者不入班次雙單月  
遇闕即用若有情願赴該省候闕者仍令前往  
遇有員闕該督撫提鎮即行題請補授其已經

給劄赴任無任可到者各留該省遇闕即行題請補授若無應得之闕暫令署事俟有員闕即行題請補授如該省出有應歸月選之闕由部即行奏請補授○又奏準功加應用游擊都司者歸於雙月用應用守備者雙月單月皆立一班雙月用無職任効力應用守備之功加單月用外委及見任千把總應用守備之功加其應用都司之功加準以都司守備兩項兼補○八年議準應升參將各官如係大街游擊都督街以下游擊街以上管升參將者令赴參將任若係小街游擊事者管升參將者令赴參將任若係小街

游擊參將街以下署守備應升街者加街一等留原任一次其員闕以接次應升之大街游擊并升街留任一次應行調任之小街參將升用如接次無應升之大街游擊并應行調任之小街參將即將升街之小街參將亦令赴新任應升游擊各官如係都司及大街守備都督街以下署都司街以上管升游擊者令赴游擊任若係小街游擊署游擊街以下署守備應升街者加街一等留原任一次其員闕以接次應升之都司及大街守備并升街留任一次應行調任之小街游

擊升用。如接次無應升之都司及大街守備。并應行調任之小街游擊。即將升銜之小街游擊。亦令赴新任。○又議準卓異官引見奉

旨。準其注册者。歸入二月四月六月十月分。以應升之官。即用升任。後將卓異注銷。○十年奉

旨。武職引見扣除者。照吏部例。將應否一體掣籤之處。於月選前請旨。又議準武職各官。裁汰赴部候補者。按人文到部日期先後。無論雙單月。不入班次。遇闕即用。○十二年議準部推小街叅將小

街游擊。初次升銜者。均加銜一等。留原任一次。其員闕。以接次應升之大街游擊及都司。并大街守備。升用。今武職各官。既迴避本省。論俸推升時。如遇籍隸本省之小街叅將小街游擊。雖係初次推升。例應留任一次者。不必仍留原任。即加銜一等。令赴新任。○乾隆元年奏準。發回原任千總。各督撫提鎮。或因題闕。多用預保人員。或因題闕。無多。遂礙難保題。此項千總。既經督撫提鎮保送。乃因發回原任。致令壅滯。似未平允。應令各該督撫提鎮。詳加考驗。如人材壯

健技藝優嫻堪膺題補而實無闕可題者出具考語造冊送部將見在選隨營候推千總之二委班內分一班選發回原任之千總照奉

旨發回先後挨次用俟此項千總用完仍用隨營候推千總○又奏準各省保送水師千總授爲藍翎侍衛原以備用水師各官但並無水師可用之闕以致守候無期按定例每年單月陸路都司守備員闕先用藍翎侍衛一人一年止用五人請將備用水師之藍翎侍衛遇有部推內河水師都司守備員闕行文領侍衛內大臣簡選

二三人出具考語送部引

見恭候

簡用○二年奏準四等待衛與藍翎侍衛品級相同無庸別立班次歸入藍翎侍衛班內一體簡選送部引

見恭候

簡用○五年奏準候選武進士有情願分發各省隨營學習者以五年爲滿果弓馬嫻熟諳練營伍準以守備題補如未滿五年已屆銓選之期或因弓馬稍次經督撫造冊送部銓選於原定二

科班內以一班選用在部投供簡選一等二等  
武進士。按其簡選年分等第名次先後以一班  
選用分發各省武進士。按其科分名次先後如  
分發各省武進士無人。所有二班統歸在部投  
供武進士選用。○又奏準功加考驗一等應用  
游擊都司者。入於雙月推用應用守備者。入於  
雙月單月輪班用。其候補游擊情願告降者。亦  
準以守備用。均按引

見日期先後用如同日引

見見任千把。按食俸之先後用無職任効用者。按食

糧之先後用。○又奏準營衛各官奉

旨即用者。無論雙單月不入班次即用。其奉

旨補用各官內。如守備守禦所千總衛千總有班可  
歸者。仍歸本班用。若並無班可歸者。均入於雙  
月分以奉

旨之日起。積算用五人後用一人。如有同日奉

旨者在部公同掣籤先用一人。其餘再扣算五人後  
用一人至奉

旨以何省補用者。遇該省有闕。即先準補用。○六年  
奏準雙單月升選叅游都守等官。彙為一疏具

題○又奏準科道糾叅。或有不實。被人訐告。或有挾嫌。雖議覆未結。均不停升轉。若督撫提鎮。題叅因公。註誤之案。處分降級。革職罰俸不等。雖議覆未結。亦停升轉。○七年奏準。雙月選用。營守備之武進士。原有二班。以一班選在部投。供簡選用。一、二等武進士。以一班選用。分發各省。武進士。如分發各省。武進士。無人。所有二班。統歸在部投供。武進士。選用。今分發武進士。未經選用者。人數尚少。不致壅滯。惟簡選一、二等之武進士。未經選用者。人數甚多。約計一年之

內。僅用三、四人。未免壅滯。按雙單月選。營守備班內。均有功加一項。久無在部投供。應選之人。遇輪班選用之時。每以無人過班。嗣後在部投供。武進士。除雙月原班。仍照例選用外。其雙單月輪用功加之時。若無應用之人。即將在部投供之武進士。選用。○八年奏準。武職各官。有因父母年老。告請歸養者。終養後。赴部候補。無論雙單月。不入班次。即用。○又奏準。候選營衛各官。初次赴選。均取具原籍督撫布政使司印文。赴部投供。方準銓選。但投供後。有因選期尚早。

回籍者往往遲至二三年以及六七年復行赴部投供若因其回籍既久行詢原籍俟咨覆到日始準銓選未免守候羈遲若不行詢其在籍有無事故無憑考察應酌定候選營衛各官有投供後回籍未過一年者免其行詢如已過一年無論年分遠近令取具同鄉京官印結赴部一面準其投供銓選一面將在籍有無事故行詢原籍如咨覆到日並無事故者即存備案如有事故別行奏明辦理○又奏準每月十二日以前應進開闕本倘遇二十日內有例不進本

日期即繕摺奏請開闕○又奏準營守備一項先因捐納無人將舊有捐班裁去改為効力班今應於効力班之上仍設一捐班按投捐日期先後用○又覆準巡捕三營各官有照例叅送議處之案不至降級革職者不停升轉遇有員闕準其照常簡選升拔所有原叅處分帶於新任○十年奏準年滿隨營候推之千總向例入於雙月兩委班內選用嗣因發回原任之年滿千總無班可選奏明將二委班借用發回原任之年滿千總如發回原任之年滿千總用完仍

選隨營候推千總。今按隨營候推之千總甚多。若止以一班銓選。候闕需時。甚屬壅滯。應於第二委班下。再增一委班。用隨營候推千總。俟發回原任千總用完之日。仍將第二委班歸還隨營候。推千總統計。共以三班銓選。可得漸次疏通。○又奏準。年滿千總隨營候推者。雖於兩委班之下。增設一班。選用。但伊等在外。既無題補之闕。而第二委班。尚有發回原任之千總。選用。約計候推千總。一年不過選用三四人。究屬闕少人多。按雙月選用守備班。內有捐班。見在捐

納無人。又單月有升班。係以營用之門衛千總升用。今門衛千總。應以營用者。亦屬無幾。嗣後輪用捐班升班之時。如本班有應用之人。先盡本班選用。如無應用之人。即將隨營候推千總選用。○十一年奏準。內河水師都司。應歸部選者。四守備。應歸部選者。八。如遇都司員闕。仍用水師藍翎侍衛。其守備員闕。以水師藍翎侍衛及水師年滿千總。輪流間用。○十三年奏準。官員開闕。為銓選所關。必分別畫一辦理。方免高下其手。千把微員。議處應降革者。半月內彙題

開闕營衛守備以上各官議處有應革職降調者。按文到日期先後。逐案題覆開闕。如係降級抵銷。降級留任。停升。住俸。罰俸等案。不開闕者。於半月內彙題。副將有以老病告休者。員闕不便久懸。逐案題覆開闕。至老病告休之叅游都守。均以揭到日開闕。於半月內彙題。○十四年奏準。見任武職各官。因姻親迴避。赴部候補者。人文到部。歸於雙月不入班次。即用。○十五年奏準。隨營候推之年滿千總。壅滯甚多。雖經疏通。約計每年選用不過十餘人。而未經選用者。

日漸加增。銓補竟無限期。按雙月選用守備。劄班。係澎臺俸滿千總。與難廕守備。以營用者。相間輪補。今難廕無人。澎臺俸滿千總。注册候推者。人亦甚少。每且此班。因無人輪用。將闕歸於下班。用別項之人。嗣後雙月輪用。劄班之時。如遇本班有應用之人。先盡本班選用。如無應用之人。即將隨營候推千總選用。○又奏準。開復守備。於還班內輪班間補。每年僅用一二人。見在投供者。須至二三年之久。始能得補。守候需時。按廕生改武者。於各班之末用一人。今改武

廕生甚少。每直此班。竟無人輪用。嗣後開復守備。仍於還班。照例間補外。如輪用廕生。改武之班。本班有應用之人。先盡本班選用。如無應用之人。即將開復守備選用。○又奏準。雙月應用游擊都司之三等待衛。一年共用三人。加之有簡選分發各省委用者。遂至行走已滿三年之人。漸致稀少。屢遇游擊員闕。僅以一人請

旨補授。是一人指補一闕。既與定例未符。亦覺升遷太速。請定以四年為滿。方準保送。如遇應用月分行文領侍衛內大臣鑾儀衛將行走已滿四

年者保送二三人引

見恭候

簡用。如無合例之人。即以無人保送咨覆。由部別行銓選。若僅止一人。經領侍衛內大臣鑾儀衛以弓馬嫻熟保送者。由部考驗。果係弓馬嫻熟。即引

見補授。如弓馬生疎。駁回。令其演習。俟嫻熟後。同其次年滿侍衛一并引

見四等待衛。藍翎侍衛。定例亦係行走三年。以單月都司守備用。每年共用五人。請亦照三等待衛

之例統以行走四年爲滿○十八年

諭武職兼銜乃沿明代舊制其中升銜升任條例紛繁即以錄序軍功不可不留此勲階以爲獎賞之地然與見任職事何與焉徒使胥吏得以高下其手且外省參游遇升銜調任畏遷移繁費至有營求督撫保奏留任者是升銜本以鼓勵戎行而日久轉爲苦累亦何用此虛文爲也嗣後武職中之大銜小銜應刪除更定一歸簡易止就見在官職分別年分論俸升轉著該部詳悉定議具奏欽此遵旨議準月選參將以下守備以上嗣後不論銜大銜

小參將員闕以游擊論俸推升游擊員闕以都司論俸推升都司員闕以守備論俸推升守備員闕將各項應用之人按次升選但察各省參將百六十有三員游擊四百五十員都司三百四十八員守備八百十有八員向例加署都司銜以上之守備即升游擊是游擊都司雖分階級在守備原可兩途推升今加銜既奉旨刪除守備止應升都司不得升游擊都司數少守備數多升途未免遲滯應將游擊守備酌改都司除獨營游擊分防要地未便更易當於同城

駐劄之游擊有二三員及三四員者。酌改都司一二員。行令各省督撫提督酌定報部注冊。再各省副將之中軍多係都司。惟臺灣澎湖興化閩安延平張家口之副將中軍見係游擊。陝甘督標河東河標兩廣督標廣州將軍標及江南太湖營之副將中軍見係守備。體制皆未畫一。除臺澎係海外重地應仍留游擊以資彈壓。無庸議改其餘游擊守備均改都司。合之各省通改都司八十員。以爲守備升用之地。其見任游守仍照原官升轉。離任後陸續更換。○又議準

武職既論俸推升。刪除加銜。凡從前已因升銜調任之各官。自當先行升用。應將調任俸深者別造一冊。計其初任接劄日期。各按食俸先後挨次升用。再俸深各官內。向有升銜留任調任之別。今若將調任各官扣除。交代離任日期。則較之留任之人。竟有食俸在先。計俸在後者。應將論俸推升之各官。係從前調任者。除告假及緣事日期。仍照舊扣除外。其調任交代日期。概不扣除。○又奏準。定例升選營守備。單月九班。雙月十四班。單月九班內。升班功班。分發班當

差班皆以武進士及年滿千總等項選用。惟小  
銜守備五班。向以署守備之守備加銜調任。今  
既刪除加銜。則此五班無人選用。單月止存四  
班。雙月仍存十四班。未免多寡不均。按雙月十  
四班內。劄班功班捐班。見在無人。係以武進士  
年滿千總借用。應將此三班改歸單月。如遇本  
班無人。仍照舊借用。定為單月七班。雙月十一  
班。分別選用。○又議準。內河水師各官。向與陸  
路通行較俸。遇應升時。有水師員闕。即行升用。  
若無水師員闕。皆加銜留任。按內河水師各官。

既必須以水師之闕升用。嗣後應止於水師內  
較俸升轉。至外海水師及河營各官。皆係在外  
題補。不由部推。但從前亦與陸路通行較俸。遇  
應升時。加銜留任。嗣後此項員闕。應聽各該督  
提酌量題升。均毋庸與陸路較俸升轉。不必加  
銜留任。

一銓選論俸。原定升選題補各官。均照所報到  
任日期論俸。○又定。同日補授。同日到任者。遇  
推升時。若從前曾經出仕。照原任俸次先後。若  
係初任之人。照原題疏內名次先後。○又定。在

外各官。食俸三年爲滿。餘一日作一日。在京巡捕營各官。食俸二年爲滿。餘一日作日半。內外較俸升轉。○又定。福建臺灣協。澎湖協。北路協。各副將。游擊都司。守備。臺灣城守營。南路營。各參將。守備。臺灣鎮標。中左右三營。游擊。守備。北路淡水營。南路下淡水營。各都司。俱於內地各營內。簡選品級相當。熟悉風土之員。題請調補。副將。三年俸滿。參將。游擊都司。守備。二年俸滿。該督提會覈題報。於即升官員內。先行升用之。中。又先行升用。內有水師各官。照伊銜闕升用。

後。調回內地。以水師各營員闕。調補。千總。咨部。調補。不算前俸。三年滿日。考驗保送。把總。咨部。調補。三年滿日。以內地千總。拔補。○又定。湖廣永州鎮標。中左右三營。鎮標。中左右前四營。綏寧營。城步營。衛昌營。保靖營。各游擊。守備。沅州。辰州。施南。永綏。各協都司。守備。永順。寶慶。靖州。各協都司。武岡營都司。臨武。宜章。桂陽。九谿。各營中軍。守備。均五年俸滿。該督提會覈題。報升用。○又定。陝西安西各營。參將。游擊都司。守備。及保安營。歸德營。都司。五年俸滿。該督提。

會覈題報升用。○又定。四川松潘鎮標中左右三營。漳臘營。疊溪營。各游擊守備。平番營都司。南坪營守備。五年俸滿。如果訓練精勤。化綏有術。番民和輯。邊地牧寧。該督提會覈題報升用。○又定。廣東虎門協右營都司。三年俸滿。任內並無盜案。該督提會覈題報升用。儋州營。萬州營。游擊守備。五年俸滿。該督提會覈題報升用。崖州營。叅將守備。二年俸滿。該督提於內地屬員內簡選題請調補。前往更換。果能整飭營伍。地方寧謐。任內並無停升降級承緝等案。調回

內地。該督提會覈題報。照伊銜闕升用。後遇有水師員闕。題請調補。○又定。廣西右江鎮標中左右三營。隆林營。各游擊守備。上林營。龍憑營。尅蘇營。各都司。新太協右營。東蘭營。各守備。三年俸滿。並無事故。該督提會覈題報。義寧。鎮安。慶遠。各協副將。游擊都司。守備。新太協副將。都司。融懷營。叅將。守備。思恩營。游擊。守備。三里營。上思營。各都司。五年俸滿。並無事故。該督提會覈題報。均照邊俸例。在任候升。此內副將。俸滿。由部於開列總兵時。將該員俸滿候升之處。於

本內聲明候

旨簡用○又定雲南昭通鎮雄廣南元江各營叅將  
游擊守備三年俸滿東川營叅將守備五年俸  
滿該督提會覈題報升用○又定貴州古州清  
江都勻丹江都江台拱銅仁長寨新設移駐之  
副將叅將游擊守備三年俸滿歸化營游擊守  
備千總把總五年俸滿果能苗民相安該督提  
會覈題報升用如俸滿推升之後該督提題請  
仍留原任者準照升銜論俸升轉○康熙三十  
年議準巡捕營千總不照京俸計算與外省千

總一例六年俸滿○雍正五年議定雲南普洱  
鎮標中左右三營游擊守備三年俸滿題報升  
用○八年覆準軍功加至副將銜者升至副將  
以前照京俸加至都司銜者升至游擊以後照  
常俸○又覆準軍功各官遇開列之時不論俸  
次照應得之官與應行開列之人一體開列○  
乾隆二年議準四川威茂協副將都司五年俸  
滿如果訓練精勤化綏有術番民和輯邊地救  
寧該督提會覈題報升用○六年奏準分發委  
署試用各官如果諳練營務人地相宜該督撫

提鎮題請實授。由部察覈題覆奉

旨。準其實授後。給發劄付。以接劄之日起算俸。與各官較俸升轉。○又奏準。裁汰告假丁憂人員。補官後。準接算前俸。所有原任即升加級紀薦。準其隨帶。緣事應降應革。遇有

恩赦免議及本案審虛開復。或奉

旨。以原叅之案本屬冤抑。復還原職者。均準接算前俸。所有即升加級紀薦。亦準隨帶。如並非本案開復及業經緣事降革奉

旨起用者。不準接算前俸。所有即升加級紀薦。不準

隨帶。○八年議準。湖廣苗疆游擊都司守備。均

準五年俸滿。其苗疆之副將叅將。亦應準其一體五年俸滿。該督提題報到。日照例升用。○九

年議準。古州鎮標清江上江二協。丹江下江台拱朗洞各營。及古州道標。都江廳標。各副將叅將。游擊守備千總把總。都勻協左營游擊千總把總。銅仁協副將。左營守備千總把總。右營游擊守備千總把總。長壩荔波各營游擊守備千總把總。均係新設苗疆要地。定為三年俸滿。歸化營游擊守備千總把總。都勻協副將。左營守

備千總把總。右營游擊守備千總把總。銅仁協左營游擊千總把總。長寨營叅將守備千總把總。凱里營都司千總把總。定廣協右營分駐大塘守備千總把總。均係苗疆。定爲五年俸滿。○十年議準。武職各官。論俸推升。無論邊俸腹俸。向以到任在先者。於接劄之日計算。接劄在先者。於到任之日計算。臺灣路隔重洋。較他省邊關尤爲緊要。調臺各官。獨以接劄之日算俸。例不畫一。嗣後調臺各官。無論大小。均以到臺之日起算俸。分別報滿。○又議準。三年五年俸滿。

各苗疆千總。如果年力健壯。材技優嫻。人材弓馬可觀。熟練營伍。苗民安化。地方寧謐。並無叅罰事故者。仍以三年五年俸滿。其尋常供職者。照內地之例。千總六年俸滿。報部。把總考拔千總。不得隨同該營將備。概以三年五年一體報滿。○十二年議準。雲南猛緬地處極邊。路近緬莽。應於永順鎮標。撥守備千把外委。分佈要隘。塘卡防範。巡察三年俸滿。如果稱職。題報升用。○十五年議準。四川松潘鎮屬之漳臘營。地處極邊。原設游擊。不足以資彈壓。應改設叅將。

仍準五年俸滿該督提會覈題報升用○又議準見今貴州苗疆地方寧謐非新闢時可比千總俸滿留部以守備即用未免過優亦與別項升途有礙嗣後此等千總俸滿時該督提保送到部考驗人材弓馬引

見係五年俸滿者請

旨發往本省交與該督與曾經出兵之年滿千總按其行走勞績是否人地相宜酌量題補係三年俸滿者請

旨以第一人第二人發回本省酌量題補以第三人

發往雲南與雲南出兵之年滿千總亦按其行走勞績是否人地相宜酌量題補○十七年題準四川松潘鎮屬南坪一營孤懸番地應將守備改爲都司仍準五年俸滿該督提會覈題報升用○十八年議準四川威茂協副將移駐維州改爲維州協副將其左營中軍都司移駐舊保右營都司移駐雜谷關仍準五年俸滿該督提會覈題報升用○又奏準湖廣鎮筸鎮標前營游擊改爲都司仍以五年俸滿題報升用○又奏準四川松潘鎮標游擊改爲都司仍以五

年俸滿題報升用。○又奏準。廣西右江鎮標左營游擊。改爲都司。仍以三年俸滿題報升用。○又奏準。貴州古州鎮標右營游擊。改爲都司。仍以三年俸滿題報升用。○又奏準。福建臺澎水師人員。於題報俸滿後。該督將該員調回內地。遇有題補之闕。係其應升者。即行題補。○十九年覆準。向例軍功加至副將銜者。升至副將以前。照京俸。加至都司銜者。升至游擊。以後照常俸。今既刪除加銜。嗣後論俸推升。察明該員功加多寡。分別計算。照京俸推升。每推升一次。按從前

正署加銜之數。銷去功加二等。所餘功加。準其隨帶。再遇推升之時。仍以京俸計算。至功加銷完之後。始照常俸升轉。○二十年議準。武職各官。原以弓馬爲重。所有邊俸報滿人員。未便以其諳悉苗疆。遂可懈弛武備。但任內果能苗民相安。地方寧謐。若以考驗之日。弓馬平常。將苗疆數載勤勞。即行棄置。又無以示獎勵。嗣後苗疆俸滿人員。該督提考驗。如果弓馬去得。照例題報升用。其弓馬平常者。應令該督提展限一年。再行考驗。若能練習改觀。仍準題報升用。倘

依然平常。或勒令休致。或調補內地。將俸滿之  
案注銷。○又題準。邊疆叅將俸滿。向例加銜。調  
任今加銜已經刪除。嗣後叅將俸滿。照例注冊。  
遇有副將員闕。將該員邊俸報滿之處。於開列  
本內聲明具題。

一銓選停升。順治年間。定地方失事。督撫提鎮  
題叅疎防各官。以揭帖到部。即行停升。如無揭  
帖者。以科鈔到部。停升。如推升已經掣籤。尚未  
具題。有以地方失事題叅奉

旨到部者。亦除扣停升。督撫提鎮特疏糾叅各官。亦

督撫提鎮題叅

以揭帖到部。即行停升。如無揭帖者。以科鈔到

部。停升。其提問拘問者。不候事結。即行停升。若

督撫提鎮題叅因公註誤案件。議覆未結。及科

道糾叅。或被人訐告等事。議覆未結。遇有應升

不停。○乾隆六年。奏準。科道糾叅。或有不實。被

人訐告。或有挾嫌。雖議覆未結。均不停升。若督

撫提鎮題叅。因公註誤案件。處分降革。罰俸。不

等。雖議覆未結。亦即停升。○九年。覆準。巡捕三

營各官。遇有失竊之案。照例叅送議處。後均免

停升。遇有員闕。準其一體簡選。升拔。所有原叅

依然平常。或勒令休致。或調補內地。將俸滿之  
案注銷。○又題準。邊疆叅將俸滿。向例加銜調  
任。今加銜已經刪除。嗣後叅將俸滿。照例注冊。  
遇有副將員闕。將該員邊俸報滿之處。於開列  
本內聲明具題。

一銓選停升。順治年間定。地方失事。督撫提鎮  
題叅疎防各官。以揭帖到部。即行停升。如無揭  
帖者。以科鈔到部。停升。如推升已經掣籤。尚未  
具題。有以地方失事題叅奉

旨到部者。亦除扣停升。督撫提鎮特疏糾叅各官。亦

以揭帖到部。即行停升。如無揭帖者。以科鈔到  
部。停升。其提問拘問者。不候事結。即行停升。若  
督撫提鎮題叅因公註誤案件。議覆未結。及科  
道糾叅。或被人訐告等事。議覆未結。遇有應升  
不停。○乾隆六年。奏準。科道糾叅。或有不實。被  
人訐告。或有挾嫌。雖議覆未結。均不停升。若督  
撫提鎮題叅因公註誤案件。處分降革罰俸不  
等。雖議覆未結。亦即停升。○九年。覆準。巡捕三  
營各官。遇有失竊之案。照例叅送議處。後均免  
停升。遇有員闕。準其一體簡選升拔。所有原叅

處分帶於新任仍令加意協緝務獲若限滿不獲扣限叅送照離任官例議處完結

一拔補千把總康熙二十九年覆準營千總員闕該將軍督撫提鎮於把總內簡選把總員闕於在營食糧兵丁內簡選均將才技優長弓馬嫻熟者拔補咨部請劄如未經受劄者止稱委署千把總○三十年議準巡捕營千總員闕以把總拔補把總員闕以兵丁拔補如有應用千把人員亦準拔補○雍正五年議準本營兵不準拔補本營千把總其將軍督撫提鎮標下如

中左右前後營準其互調拔補或各標協營同城者亦準其互調拔補至於獨營地方千總有左哨右哨之分把總有頭司二司之別準其隨地酌量拔補如無鄰近營汛即於本營左哨右哨及頭司二司內彼此互調拔補○六年議準兵丁熟練水務者但能步箭合式於藤牌大刀內兼精一藝即準拔補水師把總拔補之後令其演習騎射再拔補千總其騎射不能水務又不熟練者隨時咨汰若騎射雖屬平常果溪通水務該督撫提鎮咨部記名專以水師營補用

○七年議準直省將軍督撫提鎮拔補經制千把總咨報到部與定例相符者按月一本彙題請

旨給與劄付令其任事○八年議準把總食俸已過三年果騎射兼優人材出衆任內並無盜案疎防叅罰止有承追降職降俸之案未經開復者該將軍督撫提鎮於拔補文內聲明由部察覈彙題準其拔補千總仍將降職降俸之案帶於新任○十三年議準直省各鎮協營不待把總員闕先將外委及兵每營選擇數名或於請餉

公事或隨將備調考之便呈送將軍督提考驗將合式者記名俟有把總員闕先盡本營所送之人考驗拔補應調拔者照例調拔如所送之人不堪拔補該將軍督提即於記名人內擇其等次最優營分附近者指名調考拔補仍令該管官於歲底將記名之人造冊彙報倘有行止更改弓馬生疎者據實呈報該將軍督提將記名注銷如記名之人將近用完再令各營呈送考驗該將軍督提每年將考驗記名之外委及兵姓名開造履歷事績清冊報部○乾隆六年奏準千把總緣事斥革者

即令離營。原劄繳部塗銷存案。○又奏準。將軍督撫。提鎮。將部冊無名未食糧之人。拔補把總者。照徇情例。降三級調用。若係該管官詳報將軍督撫。提鎮拔補者。將該管官降三級調用。將軍督撫。提鎮罰俸一年。○又奏準。直隸馬蘭泰寧二鎮千把總員闕。該督將應用千把之人。擬定正陪。咨部引見補授。

一千總俸滿。順治初年定。千總六年俸滿。咨部時。將原領劄付。令本人隨帶赴部親繳。如不將原劄親帶赴繳者。不準注冊引

見。○又定。千總六年俸滿。由督撫提鎮考驗優者保送。引見。平常者咨部注冊。不準保送。○康熙三十年議準。巡捕營千總與直省千總一體六年俸滿。不算京俸。○雍正六年議準。河營千總六年俸滿。如有熟悉樁埽勤敏盡職者。該督咨部留工効力。遇守備員闕。與見任千總一體簡選題補。○七年奉

旨。咨部注冊不行保送之年滿千總。有情願來京引見者。自赴兵部報名考試。平常者仍行注冊。技勇可用者。列名具奏。請旨引見。○十二年議準。千總俸滿。如有盜案叅處。及別項降職降俸等案。未經開復。該將軍督

撫提鎮詳加考驗平常者勒令休致若人材弓馬可觀。出具考語保送於文內將降罰之案詳悉聲明由部引

見如別行補用。將降罰之案帶於新任。三年無過開復。○十三年奉

旨。凡年滿千總發回原任者。因其人材中平又未知効力何如。是以發回。令各督撫提鎮再行試看。如効力果好。遇有守備員闕。仍可與各標千總內比較酌量題補。不得因其回任。即礙難保題。○乾隆三年奏準。千總俸滿。除不堪保送者。咨部開闕外。凡係保

送者。詳加察覈。出具切實考語。如弓馬人材實在可觀。及有効力實績者。方準保送。其雖無勞績。而弓馬人材可觀。又諳練營伍者。亦準保送。該千總到部。由部復加考試。如人材弓馬不堪。並無勞績者。即行駁回。不準引

見其引

見者。將本省鄰省有無在外題補之闕。於名簽上注明。如奉

旨。發回本省。并發往別省題補者。該督撫提鎮遵旨題補。如交巡捕營當差者。歸於應得之班選用。注

冊候推者仍發回本省給與馬兵糧隨營差操  
按引

見奉

旨日期先後歸入本班挨次推用除陸續題補推補  
外若過三年後尚未題補推補者該督撫提鎮  
再加甄別果係弓馬純熟營務諳練并從前有  
効力實績材尚可用者仍留標候題候推如弓  
馬漸次生疎差操漸次懈惰又並無前勞可念  
者即咨部注册令其回籍○七年

諭近年以來外省保送年滿千總似覺過多一時不  
能得用未免轉致壅滯著各省督撫提鎮於保送  
時留心簡擇如果材技優長及有軍功勞績者方  
準咨部引見毋得濫行保送欽此○又

諭武弁中守備一官乃將帥之指臂千把之表率非  
平庸之人所能勝任各省有分發候補守備之年  
滿千總該督撫自必先盡材技可觀者題請補用  
若弓馬人材不及之人守候日久年力逾衰技勇  
日退及得官之後於營伍操防何能收其實用非  
振飭戎行之道著各省督撫提鎮將見今分發候  
補守備之年滿千總秉公甄別除年力壯盛材技

可觀者仍留候補外。其弓馬人材平常。年力漸衰者。皆準其原品休致。則強銳者既得及時授官。而衰庸者亦免於守候。嗣後三年舉行一次。所留候補之人。著於支食千總俸銀外。加給步兵糧。以資其食用。至保送年滿千總。務將人材壯健。可以造就。及實曾出力者。舉出。寧闕毋濫。不得姑息。庶不致升塗壅滯。亦可收得人之效矣。欽此。○十年奏準各省俸滿千總。該督撫提鎮保送者。十居八九。咨部注册者。無幾。不過以該弁在營日久。並無過愆。曲示優容。以致保送過多。不但隨營食

餉。多占兵額。且使候補候選之人。一並壅滯。嗣後俸滿千總。除人材弓馬可觀。著有勞績者。仍照例保送外。其雖無勞績。而人材弓馬可觀者。務須詳加考覈。酌定人數。每十人內。保送不得過二三人。至於人材弓馬均屬平常。即咨部注册。概不得濫保。如將實非出眾之人。多送由部於考驗時。照例駁回。至年滿千總內。發回本省題補。并注册候推。未經得用者。如遇三年甄別。秉公考驗。其有年力就衰。弓馬生疎者。即勒令離營報部。○又議準。發回本省以守備題補之

年滿千總定例以本省應題補之守備題補其未經題補者例由該督撫提鎮出具考語造冊送部歸於雙單月分發班內銓選但每年分發班內不過選用二三人除有在外應題守備之外省發回年滿千總尚有題補之期無庸置議外惟山西河南江西三省向無在外應題之守備該弁等在本省守候既無可題補若令盡行造冊送部與各省年滿千總挨次推用則守候仍屬需時請嗣後山西河南江西三省部推守備如有五闕以第一二三四闕歸部銓選第五闕

行令該督撫將發回以守備題補之年滿千總題請補授週而復始如係本省之人照例題補隔府別營仍於本內聲明若所出闕與候補之人繁簡不甚相宜或定例應行迴避者準其於別營通融調補此等人員如從前已經造冊送部銓選者仍準其題補其未經題補者亦準其造冊送部銓選未及題選之時如遇三年甄別秉公考驗其有年力就衰弓馬生疎即令離營○十一年奏準各省水師千總俸滿送部引見者發回本省以水師守備題補但外海水師守備

例應題補者尚多。皆得陸續題補。惟內河水師守備。各省額設無多。如江南浙江廣東等省。尚有在外題補之水師守備。候補之人。不致補用無期。至湖廣並無內河水師守備。應題補者。候補水師守備。雖有候補之名。終無題補之路。江西省亦無在外應題補之水師守備。見有額設水師千總。將來俸滿。保送發回候補。亦屬無可題補。按陸路年滿千總。發回本省題補者。如題闕無多。及並無題闕之省。準令該督撫提鎮。出具考語。造冊送部。銓選。請將並無題闕之省。所

有發回題補之水師年滿千總。照陸路之例。令該督撫提鎮。詳加考驗。出具考語。造冊送部。注冊。遇有內河水師部推守備員闕。以水師藍翎侍衛。與水師年滿千總。輪班選用。○十四年。奏準。發回本省題補之千總。有因該省本無在外題補之闕。及雖有無多者。補用無期。是以令各該督撫提鎮。出具考語。造冊送部。歸班銓選。掣籤。後行文調取引。

見但隨營候推之千總。銓選得官。例不調取引。見至發回本省以守備題補者。於題補時。亦不送部。

今遇部推復調取引

見例不盡一嗣後於部推之後照例具題俟奉

旨給發劄付令其赴任免其調取引

見○十七年奉

旨。嗣後引見之雲南貴州廣東廣西福建等五省年  
滿千總留巡捕營當差者將伊等有無親老及別  
情不能遠離之處爾部詢問如有不能遠離情節  
仍發回本省照例補用○十八年奉

旨。各省六年俸滿千總經保送引見者分發本省鄰  
省以守備題補其發回本省隨營候推之員逐年

積累人數甚多。雖有三年再加甄別之例率皆視

爲具文。多有以守候壅滯爲言者。使但嚴其甄別

而不稍爲疏通亦無以示鼓勵。嗣後候推之人屆

三年甄別之期該督撫提鎮各宜實力奉行不得

姑息濫等。其有實在行走勤勞人材出衆者準其

再行保舉引見。交部即用。若原應題補而非實在

出色年力又未至衰老者即咨部降爲候推。至候

推之人內有應拔置題補者亦準其保送引見。其

不在保送之例。而人材尚屬可留者仍令隨營候

推。衰庸怠惰者咨部休致。應如何酌定班次錄用

之處該部定議具奏欽此遵

旨議準嗣後候補候推之年滿千總每屆三年詳加甄別其原應題補而非實在出色者即降為候推原係候推而實在衰庸懶惰者即咨部休致如候補候推兩項內有行走勤勞材藝出眾者於三年甄別時保舉送部引

見將原應題補者改為即用於單月選兩人後輪用一人原係候推者拔置題補令該督撫提鎮遇有員闕酌量題補至原應題補降為候推者歸入候推千總應用班內較其從前奉

旨日期如同日奉

旨較其俸滿日期先後選用

一營兵外委定額雍正五年議準各營之中凡額兵二百名許外委把總一人額兵四百名許外委千總一人均於馬步兵丁內考驗操防勤慎及人材弓馬好者秉公選擇造冊報部○六年議準外委千把總於額兵數內拔補給與八品頂帶令其同經制千把總辦理汛務如遇經制把總員闕簡選拔補○十二年議準各標協營考拔外委之時照經制千把總之例與同城

互調拔補。不得以本營兵丁拔補本營外委。至於獨營地方。無鄰近營汛。可以互調者。即於本營左哨右哨頭司二司內彼此互調拔補。○三十年議準。將軍督撫提鎮。有將營外之人濫給委牌者。照徇庇例議處。○又議準。直省援剿營之外委。有未照防守營之外委。分撥哨司辦理汛務者。均照經制千把例。分撥哨司。令其管轄汛兵操防。巡緝如遇疎防失事。以及兵丁生事擾民約束不嚴等案。該將軍督撫提鎮將該弁隨經制千把總一例叅處。



